

საქართველოს კომუნიკაციების ეროვნული კომისიის  
 2010 წლის 17 სექტემბრის № 428/9 გადაწყვეტილების საფუძველზე  
 წარმოგიდგენთ შპს „საქართველოს ცენტრალური  
 კავშირგაბმულობის კორპორაციის“ საკუთარი ქსელის  
 საკომუტაციო ტერმინალურ ელემენტებთან დაშვებისა და  
 ურთიერთჩართვის სატელეფონო ზარების (წამოწყება/დასრულება)  
 მომსახურების

შეთავაზების წინადადებას  
 (მოწვევა ოფერტაზე)

შპს „საქართველოს ცენტრალური კავშირგაბმულობის კორპორაციას“ საკუთარი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების მიწოდება ხორციელდება შემდეგი პირობებით:

1. შპს „საქართველოს ცენტრალური კავშირგაბმულობის კორპორაციას“ საკუთარი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების მიწოდება დაეკისრა შემდეგ გეოგრაფიულ ზონებში:

რუსთავის ადგილობრივი მომსახურების ზონა;

2. შპს „საქართველოს ცენტრალური კავშირგაბმულობის კორპორაციას“ საკუთარ ქსელში საერთაშორისო ზარის ტერმინაცია დაეკისრა კომისიის გადაწყვეტილებით, რომლის შესაბამისად კორპორაცია ადგენს ტერმინაციის პირობებს წინამდებარე მოწვევის ოფერტით და განსაზღვრავს, რომ

- საქართველოში შემომავალ საერთაშორისო ზარად მიჩნეულ იქნება ნებისმიერი სატელეფონო ზარი, რომლის ნომერიც არ შეესაბამება საქართველოს ეროვნული ნუმერაციის გეგმით განსაზღვრულ სანომრე რესურსს;

- შპს „საქართველოს ცენტრალური კავშირგაბმულობის კორპორაცია“ იტოვებს უფლებას სხვა ავტორიზებული პირისგან შემომავალი ნებისმიერი სატელეფონო ზარი მიიჩნიოს საექვოდ და აღნიშნული ექვის თაობაზე მიმართოს საქართველოს კომუნიკაციების ეროვნული კომისიას ურთიერთჩართვის შეჩერების მოთხოვნით, ვიდრე არ დადგინდება და არ გამოირიცხება ყოველგვარი ექვი შემომავალი ზარის წამოწყები ოპერატორის თაობაზე;

3. ურთიერთჩართვის მომსახურების მიწოდების სატელეფონო სადგურების ინდექსები, მისამართები და ურთიერთჩართვისთვის გამოყენებული ინტერფეისის აღწერილობა:

**„საქართველოს ცენტრალური კავშირგაბმულობის კორპორაციას“**

ასს-ის ინდექსი	მომსახურების მიწოდების მისამართი	ინტერფეისი
<b>25, 27, 28</b>	ქ. რუსთავი, მეგობრობის გამზირი №9	SS7, G 703

4. ფიქსირებული საკომუტაციო ქსელებით საქმიანობის საბითუმო მომსახურების ბაზარზე ფიქსირებული და მოძრავი საკომუტაციო ტერმინალურ ელემენტებთან დაშვებისა და სატელეფონო ადგილობრივი მომსახურების ზონაში ზარის წამოწყება/დასრულების მომსახურების ტარიფი 2 თეთრი/წუთი დღგ-ს ჩათვლით, ხოლო ტრანზიტული ურთიერთჩართვა ხორციელდება დამატებითი შეთანხმებით.

5. საქართველოში შემომავალი საერთაშორისო ზარის ურთიერთჩართვის (ზარის წამოწყება/დასრულების) მომსახურების ტარიფი მოძრავი საკომუნიკაციო ქსელის ოპერატორის ძირითადი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყების/დასრულების) საბითუმო ბაზრის შესაბამის სეგმენტებზე და ფიქსირებული საკომუნიკაციო ქსელის ოპერატორის ძირითადი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულება) საბითუმო ბაზრის შესაბამის სეგმენტებზე მნიშვნელოვანი საბაზრო ძალაუფლების მქონე ავტორიზებული პირებისათვის (შპს "ჯეოსელი", შპს "მაგთიკომი", შპს "მობიტელი", სს „სილქნეტი“, შპს „ახტელი“, შპს „ივერია ქსელი“, შპს „ახალი ქსელები“) შეადგენს:

ა) მოძრავ საკომუნიკაციო ქსელებში ზარის ტერმინაცია: 0,20 აშშ დოლარის ექვივალენტი საქართველოს ეროვნულ ვალუტაში - 1 წუთი;

ბ) ფიქსირებულ საკომუნიკაციო ქსელებში ზარის ტერმინაცია: 0,12 აშშ დოლარის ექვივალენტი საქართველოს ეროვნულ ვალუტაში - 1 წუთი;

6. წინამდებარე ოფერტის 5.-პუნქტში აღნიშნული პირების გარდა სხვა ავტორიზებული პირების ქსელში საერთაშორისო ზარების ურთიერთჩართვის (ზარის წამოწყება/დასრულების) მომსახურების ტარიფი შეადგენს:

ა) მოძრავი საკომუნიკაციო ქსელის მფლობელი ავტორიზებული პირის ქსელში ზარის ტერმინაცია: 0,16 აშშ დოლარის ექვივალენტი საქართველოს ეროვნულ ვალუტაში - 1 წუთი;

ბ) ფიქსირებული საკომუნიკაციო ქსელის მფლობელი ავტორიზებული პირის ქსელში ზარის ტერმინაცია: 0,09 აშშ დოლარის ექვივალენტი საქართველოს ეროვნულ ვალუტაში - 1 წუთი;

7. საქართველოში შემომავალი საერთაშორისო ზარის ტრანზიტული გატარებისთვის მომსახურების ტარიფი, წინამდებარე ოფერტის 5.-პუნქტში აღნიშნული ავტორიზებული პირების ქსელში შეადგენს:

ა) მოძრავ საკომუნიკაციო ქსელებში ზარის ტერმინაციის ტარიფს- 0,20 აშშ დოლარის ექვივალენტი საქართველოს ეროვნულ ვალუტაში - 1 წუთი, დამატებული ტრანზიტული მომსახურების 2,5 თეთრი - 1 წუთი ;

ბ) ფიქსირებულ საკომუნიკაციო ქსელებში ზარის ტერმინაციის ტარიფს - 0,12 აშშ დოლარის ექვივალენტი საქართველოს ეროვნულ ვალუტაში - 1 წუთი, დამატებული ტრანზიტული მომსახურების 2,5 თეთრი - 1 წუთი;

5. ქსელში ურთიერთჩართვის მსურველმა ოპერატორმა უნდა წარმოადგინოს განაცხადი, რომელიც უნდა შეიცავდეს:

5.1 წერილობითი განაცხადი უნდა შეიცავდეს შემდეგ მინიმალურ ინფორმაციას:

5.1.1 საფირმო სახელწოდება;

5.1.2 იურიდიული და ფაქტიური მისამართები;

- 5.1.3 ელექტრონული ფოსტის მისამართი, ტელეფონი და ფაქსის ნომრები;
- 5.1.4 წარმომადგენლობაზე უფლებამოსილი პირის სახელი, გვარი, მისამართი და საკონტაქტო ნომერი;
- 5.1.5 საქმიანობის სახეები რაზეც საქართველოს კომუნიკაციების ეროვნული კომისიაში (შემდგომში - კომისია) გავლილი აქვს ავტორიზაცია;
- 5.1.6 არსებული ლიცენზიები/ნებართვები და ნუმერაციის რესურსები;
- 5.1.7 ქსელის აღწერა;
- 5.1.8 სიგნალიზაციის ტიპი;
- 5.1.9 გამოყენებული ინტერფეისი;
- 5.1.10 საერთაშორისო და ადგილობრივი ტრაფიკის სავარაუდო მოცულობები;
- 5.1.11 განსაზღვროს ცალ-ცალკე გამოყოფილი არხები საერთაშორისო და ადგილობრივი ტრაფიკის დასრულებისთვის.
- 5.1.12 მომსახურების სახეები, რომლის მიღებაც სურს;
- 5.1.13 საკონტაქტო პირების სახელი გვარი და ტელეფონის ნომრები.
- 5.2 წერილობით განაცხადს თან უნდა დაერთოს შემდეგი დოკუმენტაცია:
- 5.2.1 ავტორიზაციის მოწმობის ასლი;
- 5.2.2 ამონაწერი სამეწარმეო რეესტრიდან;
- 5.2.3 წარმომადგენლობაზე უფლებამოსილი პირის პირადობის მოწმობის ასლი;
- 5.2.4 ნუმერაციის რესურსით სარგებლობის ნებართვა (ასეთის არსებობის შემთხვევაში);
- 5.2.5 რადიოსიხშირული რესურსით სარგებლობის სალიცენზიო მოწმობის ასლი (ასეთის არსებობის შემთხვევაში);
- 5.2.6 შპს „საქართველოს ცენტრალური კავშირგაბმულობის კორპორაცია“ განცხადების რეგისტრაციიდან 10 (ათი) სამუშაო დღის ვადაში მოახდენს პარამეტრების ტესტირებას;
- 5.2.7 ხელშეკრულების შესრულების გარანტია, რომელიც გულისხმობს გამოუხმობად საბანკო გარანტიას ან ხელშეკრულების შესრულების საგარანტიო თანხას. საბანკო გარანტიად მოიაზრება საქართველოს კანონმდებლობის შესაბამისად მოქმედი ბანკის მიერ წარმოდგენილი ფულადი წერილობითი გარანტია, რომლის ძალითაც, გარანტიის მიმცემი თვითონ კისრულობს ვალდებულებას გადაუხადოს ფულადი თანხა ბენეფიციარს (შპს „საქართველოს ცენტრალური კავშირგაბმულობის კორპორაციას“), ამ უკანასკნელის წერილობითი მოთხოვნის შემთხვევაში. საბანკო გარანტია ატარებს სასწრაფო და უპირობო ხასიათს. საბანკო გარანტია მოწონებულ და დადასტურებულ უნდა იქნას საქართველოს ცენტრალური კავშირგაბმულობის კორპორაციისგან. ხელშეკრულების შესრულების საგარანტიო თანხა – გულისხმობს, მსურველი პირის მიერ კორპორაციის ანგარიშზე ჩარიცხულ თანხას, რომელიც მოიაზრება ხელშეკრულებიდან წარმოშობილი ვალდებულებების შესრულების გარანტიად და იმ შემთხვევაში, თუ კონტრაქტი არ დაფარავს ხელშეკრულებიდან წარმოშობილ ფინანსურ ვალდებულებას, კორპორაციას ეძლევა უფლება კონტრაქტის მხრიდან ყოველგვარი წინასწარი თანხმობის გარეშე, დაიკმაყოფილოს მოთხოვნა საგარანტიო თანხიდან. ხელშეკრულების შესრულების საგარანტიო თანხა ატარებს სასწრაფო და უპირობო ხასიათს.
- 5.2.8 მსურველი პირი ვალდებულია განაცხადში მიუთითოს ერთი თვის განმავლობაში სავარაუდო ტრაფიკის მოცულობა. საბანკო გარანტიის და ხელშეკრულების შესრულების საგარანტიო თანხა უნდა შეესაბამებოდეს კონტრაქტის მიერ კორპორაციისთვის 2(ორი) თვის განმავლობაში გადასახდელი თანხის ოდენობას.
- 5.2.9 საერთაშორისო ზარების დასრულების შემთხვევაში მსურველი/ურთიერთარსებული ავტორიზებული პირი ვალდებულია უზრუნველყოს ხელშეკრულების შესრულების გარანტიის წარმოდგენა, რომელიც მოიცავს განაცხადში დაფიქსირებული ტრაფიკის მოცულობისთვის კორპორაციისთვის გადასახდელ თანხის 2 (ორი) თვის ოდენობას და 4 000 (ოთხი ათასი) ლარს, თითოეულ გამოყოფილ არხზე (საერთაშორისო ზარების დასრულებისათვის).
- 5.3 5.1.10-5.1.11; 5.2.7-5.2.9; პუნქტებით გათვალისწინებული დოკუმენტაციის წარმოდგენა აუცილებელია იმ ავტორიზებული პირებისათვის, რომელთაც კორპორაციასთან არ ჰქონიათ სამართლებრივი ურთიერთობა წინამდებარე ოფერტით

გათვალისწინებულ მომსახურების მიღებაზე ან წინამდებარე ოფერტით გათვალისწინებულ მომსახურებაზე ადრინდელი სახელშეკრულებო ურთიერთობებიდან გამომდინარე მსურველი პირი არ ან არაჯეროვნად ასრულებდა კო წინაშე ნაკისრ ვალდებულებებს და ურთიერთჩართული პირებისთვის, რომლებიც სარგებლობენ საერთაშორისო ზარის დასრულების მომსახურებით. იმ შემთხვევაში, თუ კორპორაციასთან ურთიერთჩართული ოპერატორი, ხელშეკრულების მოქმედების განმავლობაში დაარღვევს ანგარიშსწორების ვალდებულებას, კორპორაცია იტოვებს უფლებას, მოსთხოვოს ამ ოპერატორს 5.2.6-5.2.7 პუნქტებით გათვალისწინებული ხელშეკრულების შესრულების გარანტიის წარმოდგენა და ეს უკანასკნელი ვალდებულია 3 სამუშაო დღის ვადაში წარმოადგინოს მოთხოვნილი გარანტია.

5.4 იმ შემთხვევაში, თუ მსურველი პირის მხარეს არსებობს შეუსრულებელი ფინანსური ვალდებულება კორპორაციის წინაშე, იგი ვალდებულია დაფაროს არსებული დავალიანება, წინააღმდეგ შემთხვევაში მისი წერილობითი განაცხადი არ ჩაითვლება მიღებულად და შესაბამისად კორპორაციის მხრიდან არ წარმოშობს არანაირ ვალდებულებას გააფორმოს მასთან ხელშეკრულება წინამდებარე ოფერტის შესაბამისად.

5.5 იმ შემთხვევაში, თუ წარმოდგენილი წერილობითი განაცხადი არ აკმაყოფილებს 5.1. და 5.2 პუნქტებით გათვალისწინებულ მოთხოვნებს, მსურველ პირს 4 სამუშაო დღის ვადაში ეცნობება ამის შესახებ და ამ შემთხვევაში 5.6 და 5.7 პუნქტებში აღნიშნული ვადის ათვლა არ დაიწყება. ვადის ათვლა დაიწყება მხოლოდ დოკუმენტაციის სრულად წარმოდგენის შემდგომ. შესაძლებელია მხარეთა შორის ხელშეკრულება გაფორმდეს 5.2.6 პუნქტით გათვალისწინებული ხელშეკრულების შესრულების გარანტიის წარმოდგენამდე, მაგრამ ამ შემთხვევაში ხელშეკრულება ძალაში შევა მხოლოდ აღნიშნული გარანტიის კორპორაციისათვის წარდგენის დღიდან.

5.6 იმ შემთხვევაში, თუ განაცხადი შედგენილია 5.1. და 5.2 პუნქტებით გათვალისწინებული მოთხოვნების დაცვით, მაგრამ მოთხოვნილია წინამდებარე ოფერტისგან განსხვავებული ურთიერთჩართვის განხორციელების პირობები, კორპორაცია 5 სამუშაო დღის ვადაში შეისწავლის განაცხადში მითითებული სქემით ურთიერთჩართვის განხორციელების მიზანშეწონილობას და აცნობებს მსურველ პირს.

5.7 წინამდებარე 5.6 პუნქტით გათვალისწინებულ შემთხვევაში, თუ შეუძლებელია ურთიერთჩართვის განხორციელება განაცხადში მოთხოვნილი სქემის მიხედვით, მიიჩნევა რომ განაცხადი არ აკმაყოფილებს წინამდებარე მოწვევის ოფერტის პირობებს და 5.8 და 5.9 პუნქტებით გათვალისწინებული ვადის ათვლა არ დაიწყება. კორპორაცია შესაძლებლობების ფარგლებში შესთავაზებს მსურველ პირს ალტერნატიულ ვარიანტს, რაზეც მხარეები შეთანხმდებიან დამატებით. ურთიერთჩართვის განხორციელების სქემის შეთანხმების შემდგომ, მსურველი პირი ვალდებულია ხელახლა მიმართოს კორპორაციას განაცხადით.

5.8 5.1 და 5.2 პუნქტებით გათვალისწინებული მოთხოვნების დაცვით შედგენილი განაცხადისა და დოკუმენტაციის ჩაბარებიდან 5(ხუთი) დღის განმავლობაში მსურველ პირს გადაეცემა ურთიერთჩართვის ხელშეკრულების პროექტი ან ელექტრონული სახით გაეგზავნება მის მიერ მითითებულ ელექტრონულ მისამართზე. მსურველი პირი ვალდებულია 5(ხუთი) დღის ვადაში ელექტრონული სახით გაუგზავნოს კორპორაციას შესაძლო შენიშვნები ხელშეკრულების პროექტთან დაკავშირებით. კორპორაცია შემდგომი 5(ხუთი) დღის განმავლობაში, უგზავნის ხელშეკრულების ორმხრივად შეთანხმებული ვერსიის ხელმოწერილ ეგზემპლარს, მსურველ პირს. მსურველი პირი ვალდებულია 5(ხუთი) დღის ვადაში ხელშეკრულების მისი მხრიდან ხელმოწერილი ეგზემპლარი გადასცეს კორპორაციას, წინააღმდეგ შემთხვევაში მიიჩნევა, რომ წინამდებარე ოფერტაზე აქცეპტი არ განხორციელებულა და კორპორაციასა და მსურველ პირს შორის სამართლებრივი ურთიერთობა არ არსებობს.

5.9 მხარეები ვალდებულნი არიან ზედმიწევნით დაიცვან 5.8 პუნქტით გათვალისწინებული ვადები და განაცხადის წარმოდგენიდან 20(ოცი) დღის განმავლობაში გააფორმონ შესაბამისი ხელშეკრულება.

5.10 იმ შემთხვევაში, თუ მსურველი პირის მიერ განსაზღვრული სავარაუდო ტრაფიკი ხელშეკრულების მოქმედების განმავლობაში გაიზრდება (ან გადააჭარბებს განაცხადში

დაფიქსირებულ ტრაფიკის ოდენობას), იგი ვალდებულია პროპორციულად გაზარდოს ხელშეკრულების შესრულების გარანტია (საბანკო გარანტია ან ხელშეკრულების შესრულების საგარანტიო თანხა).

5.11 ყველა ურთიერთჩართული ავტორიზებული პირი, რომელიც უკვე სარგებლობს საერთაშორისო ზარის კორპორაციის ქსელში დასრულების/ტერმინაციის მომსახურებით, ვალდებულია მიმართოს ახალ ქსელებს წერილობითი განაცხადით, სადაც მითითებული იქნება 5.1.10-5.1.11 პუნქტით გათვალისწინებული ინფორმაცია და არაუგვიანეს 2014 წლის 1 ნოემბრისა უზრუნველყოს ხელშეკრულების შესრულების გარანტიის წარდგენა წინამდებარე ოფერტის 5.2.6-5.2.8 პუნქტების შესაბამისად.

5.12 ყველა ურთიერთჩართული ავტორიზებული პირი, რომელიც წინამდებარე ოფერტის გამოქვეყნების დღისათვის უკვე სარგებლობს საერთაშორისო ზარის კორპორაციის ქსელში დასრულების/ტერმინაციის მომსახურებით, ვალდებულია 2014 წლის 1 ნოემბრამდე გააფორმოს ახალი ურთიერთჩართვის ხელშეკრულება წინამდებარე ოფერტის პირობების გათვალისწინებით. ახალი ხელშეკრულების გაფორმებაზე უარის თქმის და 5.11 პუნქტით გათვალისწინებული პირობების მხრიდან ხელშეკრულების შესრულების გარანტიის არ წარმოდგენის შემთხვევაში, ჩაითვლება უარად წინამდებარე ოფერტით გათვალისწინებული მომსახურების მიღებაზე და წერილობითი გაფრთხილების შემთხვევაში, კორპორაცია აღარ გაუწევს წინამდებარე ოფერტით გათვალისწინებულ მომსახურებას.

ქსელში ურთიერთჩართვის მსურველმა ოპერატორმა უნდა წარმოადგინოს **განაცხადი** რომელიც უნდა შეიცავდეს: ა) მსურველი ოპერატორის ურთიერთჩართვის ტექნიკურ პროექტს, ურთიერთჩართვის სისტემის და ქსელის გეგმით; ბ) ტრაფიკის მარშრუტს; გ) ტრაფიკის წინასწარ შეფასებას; დ) გამოყენებულ ინტერფეისებს;

## 5. თანალოკაციის ფართთან დაშვების მისამართები:

ქ. რუსთავი, მეგობრობის გამზ. №9

## 6. ადგილობრივი დაშვების თანალოკაციის ფართი:

ასს-ის ინდექსი	მისმართი	თავისუფალი ფართი (კვ მ)
25, 27, 28	რუსთავი, მეგობრობის №9	2.5

შენიშვნა: თანალოკაციის ფართები უზრუნველყოფილია ტექნიკური საშუალებების ექსპლუატაციისათვის საჭირო, სათანადო კონდიცირებით და ტენიანობით. (აღნიშნული უძრავი ქონება წარმოადგენს „სილქნეტის“ საკუთრებას და გადმოცემული გვაქვს საიჯარო ხელშეკრულებით).

## 7. თანალოკაციის ფართის დაშვებაზე მსურველი ოპერატორი პირისაგან აქცეპტის თაობაზე განცხადების განხილვის პირობები და პროცედურები

თანალოკაციის ფართის დაშვებაზე მსურველი ოპერატორი განცხადებით მიმართავს შპს „საქართველოს ცენტრალური კავშირგაბმულობის კორპორაციას“. განცხადებას თან უნდა დაერთოს საქართველოს კომუნიკაციების ეროვნული კომისიის მიერ გაცემული ავტორიზაციის მოწმობის ასლი, ამონაწერი სამეწარმეო რეესტრიდან,

წარმომადგენლობაზე უფლებამოსილი პირის პირადობის მოწმობის ასლი და ხელშეკრულების შესრულების საბანკო გარანტია.

განცხადებაში უნდა მიეთითოს:

- თანალოკაციის ფართზე დაშვებაზე მსურველი ოპერატორის საფირმო სახელწოდება, იურიდიული და ფაქტიური მისამართები, ტელეფონი, ელფოსტა, ფაქსი, წარმომადგენლობაზე უფლებამოსილი პირის სახელი, გვარი;
- განცხადებაში დასაბუთებული უნდა იყოს თანალოკაციის ფართის გამოყოფის აუცილებლობა;
- თანალოკაციის ფართზე განსათავსებელი ტექნიკური საშუალებების აღწერილობა, ექსპლოატაციის სათანადო პირობები (ელექტროენერგიის ხარჯი, მიკროკლიმატი და სხვა);
- თანალოკაციის ფართზე გასანთავსებელი ტექნიკური საშუალებების ზომები;
- განცხადებაში უნდა იყოს მსურველი ოპერატორის დასტური, რომ იგი გაცნობილია, ეთანხმება და უპირობოდ შეასრულებს „საქართველოს ცენტრალური კავშირგაბმულობის კორპორაციის“ მიერ გამოქვეყნებულ შესაბამისი მომსახურების შეთავაზების წინადადებაში (მოწვევის ოფერტაში) დაფიქსირებულ ყველა პირობას.

## 8. თანალოკაციის ფართთან დაშვების ტარიფები:

„საქართველოს ცენტრალური კავშირგაბმულობის კორპორაციის“ თანალოკაციის ფართთან დაშვებისა და მომსახურების ტარიფები განსაზღვრულია საქართველოს ეროვნული კომისიის 2009 წლის 31 ივლისის №359/9 გადაწყვეტილების №1 დასკვნის შესაბამისად:

### – ქ. რუსთავში

1. დაშვება თანალოკაციის ფართზე 1 კვ მ – 15.00 ლარი (დღგ-ს ჩათვლით);
2. ტექნიკური პერსონალის დაშვების საათობრივი განაკვეთი (მ.შ. საჭიროების შემთხვევაში, წყლით, კონდიციონერით მომსახურება):
  - დღის სამუშაო საათებში – 7.37 ლარი (დღგ-ს ჩათვლით)
  - დღის არასამუშაო საათებში – 8.12 ლარი (დღგ-ს ჩათვლით)
  - ღამის საათებში – 10.32 ლარი (დღგ-ს ჩათვლით)

შენიშვნა: მსურველი ოპერატორი ვალდებულია დააყენოს ელექტროენერგიის მრიცხველი და ქვეაბონენტად გაფორმდეს შპს „ენერგო-პრო ჯორჯიას“ ქვემო ქართლის რუსთავის მომსახურების ცენტრში.

## 9. ანგარისწორების პირობები

„საქართველოს ცენტრალური კავშირგაბმულობის კორპორაცია“ და ავტორიზებული პირს შორის ანგარისწორება ხორციელდება.

ყოველთვიურად საანგარიშო პერიოდის მომდევნო თვის 15 რიცხვამდე საოქმო გადაწყვეტილების საფუძველზე „საქართველოს ცენტრალური კავშირგაბმულობის კორპორაციის“ მიერ წარმოდგენილი ანგარიშ-ფაქტურის საფუძველზე.

ანგარიშსწორების ვადების დარღვევის შემთხვევაში დამრღვევი მხარე გადაუხდის მეორე მხარეს პირგასამტეხლოს ყოველ ვადაგადაცილებულ დღეზე არგადახდილი თანხის 0.1%-ის ოდენობით.

იმ შემთხვევაში, თუ მხარეებს წარმოდგენილ მონაცემებს შორის დაფიქსირდა სხვაობა და ეს სხვაობა არ არის 1.5%-მეტი, მხარეების მიერ მისაღები თანხები აღიარებულ

იქნება ბილინგის ურთიერთმონაცემებზე დაყრდნობით, ხოლო იმ შემთხვევაში, თუ მონაცემთა სხვაობა 1.5%-ზე მეტია, ანგარიშსწორება მხარეებს შორის იწარმოებს ორმხრივად შეთანხმებულ არასადაო ნაწილზე. სადაო ნაწილზე მხარეები აწვდიან ერთმანეთს სასადაგურო ჩანაწერებს. სხვაობის მიზეზის დადგენის შემთხვევაში მხარეები 5 სამუშაო დღის განმავლობაში ახორციელებენ გადაანგარიშებას შეთანხმების ოქმის საფუძველზე. იმ შემთხვევაში, თუ მხარეები ვერ მიაღწევენ შეთანხმებას, მხარეები მიმართავენ საქართველოს კომუნიკაციების ეროვნულ კომისიას ან/და სასამართლოს. ანგარიშსწორების ვადის გადაცილების შემთხვევაში, „ოფერენტს“ აქვს უფლება დააკისროს მეორე მხარეს პირგასამტეხლო გადასახდელი თანხის 0.1%-ის ოდენობით ყოველ გადაგადაცილებულ დღეზე.

**10. თანალოკაციის ფართის გამოყოფის პროცედურები და პირობები:**

განმცხადებლის მიმართვიდან 10 კალენდარულ დღეში „საქართველოს ცენტრალური კავშირგაბმულობის კორპორაცია“ შეისწავლის;

- წარმოდგენილ დოკუმენტაციას და წერილობით განცხადებას;
- ავტორიზირებულ პირს განცხადების შემოტანის მომენტიდან ერიცხება თუ არა „საქართველოს ცენტრალური კავშირგაბმულობის კორპორაციის“ მიმართ დავალიანება. დავალიანების ოდენობა არ უნდა აღემატებოდეს 1000 ლარს.

განცხადების მიღებიდან 10 კალენდარულ დღეში „საქართველოს ცენტრალური კავშირგაბმულობის კორპორაცია“ წერილობით აცნობებს განმცხადებელ ოპერატორს აკმაყოფილებს თუ არა იგი დაშვების პირობებს. დადებითი პასუხის შემთხვევაში, აქცეპტი მიღებულად ითვლება განცხადების მიღების თარიღიდან, ხოლო უარყოფითი პასუხის შემთხვევაში, მითითებულ იქნება დადგენილი ხარვეზი, რომლის აღმოფხვრის შემთხვევაშიც, აქცეპტი მიღებულად ჩაითვლება.

**11. მსურველი აქცეპტანტის მიერ წარმოდგენილი განაცხადის და გათვალისწინებული პროცედურების გავლის შემდეგ მხარეებს შორის მსურველი აქცეპტანტი პირის მიერ აქცეპტის წარდგენიდან 20 კალენდარული დღის ვადაში ფორმდება ურთიერთჩართვის ხელშეკრულება და შესაბამისად ქსელში ჩართვა.**

მსურველი ოპერატორის მიერ ხელმოწერილი ხელშეკრულების გაფორმებიდან 3 კალენდარულ დღის ვადაში, „საქართველოს ცენტრალური კავშირგაბმულობის კორპორაცია“ გასცემს წერილობით ნებართვას შესაბამის თანალოკაციის ფართზე აპარატურული კარადის განთავსების შესახებ, რომელიც გადაეცემა ავტორიზირებულ პირს და „საქართველოს ცენტრალური კავშირგაბმულობის კორპორაციის“ შესაბამის სტრუქტურულ ერთეულს. ნებართვის წერილში მითითებული უნდა იყოს ოპერატორის სახელწოდება, განსათავსებელი აპარატურული კარადის ზომა, მონტაჟის განმასხორციელებელი პირების ვინაობა, ნებართვის მოქმედების ვადა (მინიმუმ 10 სამუშაო დღე), თანალოკაციის ფართის ზუსტი ადგილმდებარეობა.

ავტორიზებული პირი ვადებულა ნებართვის გაცემიდან 5 სამუშაო დღის ვადაში განახორციელოს აპარატურული კარადის განთავსება თანალოკაციის ფართზე.

განთავსების პროცესს უნდა დაესწროს „საქართველოს ცენტრალური კავშირგაბმულობის კორპორაციის“ წარმომადგენელი. აპარატურის განთავსების სამუშაოს დასრულების შემდეგ მხარეები გააფორმებენ მიღება-ჩაბარების ოქმს, სადაც მითითებული იქნება:

- მონტაჟის განხორციელების თარიღი;
- აქტის ხელმოწერი პირების თანამდებობა და ვინაობა;

- აპარატურული კარადის ზუსტი ზომა (სამივე განზომილების მიხედვით);
- განთავსებული აპარატურული კარადის ზუსტი ადგილმდებარეობა;
- აპარატურული კარადის საინდენტიფიკაციო ნიშანი.

## 12. თანალოკაციის ფართთან დაშვების წესები:

ავტორიზებულ პირების წარმომადგენელთა დაშვება მოხდება მხოლოდ იმ შემთხვევაში, სადაც განთავსებულია მათი აპარატურული კარადა, სპეციალური საშუალებების საშუალებით, რომლის გაცემას ახორციელებს „საქართველოს ცენტრალური კავშირგაბმულობის კორპორაციის“ შესაბამისი სტრუქტურული ქვედანაყოფის ხელმძღვანელი სათაო ოფისთან შეთანხმების საფუძველზე; შემთხვევაში დაშვება ხორციელდება დღე-ღამის საათებში.

აპარატურის გადატანა, შენობაში, დემონტაჟი და შენობიდან გატანა ხორციელდება ოპერატორის წერილობითი მიმართვის და სათაო ოფისის ნებართვის საფუძველზე. აპარატურის გადატანა შენობაში, დემონტაჟი და შენობიდან გატანა ფორმდება მიღება-ჩაბარების ოქმით, რომელშიც ასახული იქნება სამუშაოს ჩატარების თარიღი, სამუშაოების ტიპი, ოქმის ხელმოწერილი პირების თანამდებობა და ვინაობა.

თანალოკაციის ფართზე განთავსებულ აპარატურასთან დაშვება ( დაზიანების აღმოფხვრა ან პროფილაქტიკური სამუშაოს ჩატარება) მხარეებს შორის ფორმდება სპეციალური ოქმით, სადაც მითითებული იქნება სამუშაოს ჩატარების თარიღი, სამუშაოს დაწყების და დასრულების დრო, სამუშაოს ჩატარების სახე და წარმომადგენელთა ვინაობა.

**13. დამატებითი სიმძლავრეების, მათ შორის თანალოკაციის ფართის გამოყოფა** განხორციელებულ იქნება იგივე პროცედურის დაცვით, რასაც ითვალისწინებს წინამდებარე მოწვევის ოფერტა, 20 (ოცი) კალენდარული დღის ვადაში.

**14. ავარიული და სარემონტო სამუშაოების დროს** მსურველი ოპერატორი ვალდებულია წინასწარ შეათანხმოს „საქართველოს ცენტრალური კავშირგაბმულობის კორპორაციასთან“ სამუშაოების ხასიათი, მისი დაწვრილებითი აღწერილობით და სამუშაოს შემსრულებელი პირების მითითებით. **ექსტრაოდრინალური, ფორსმაჟორული, ავარიული და სარემონტო სამუშაოების დროს** „საქართველოს ცენტრალური კავშირგაბმულობის კორპორაციისთვის“ მიყენებული ზარალის შემთხვევაში, ბრალეული მხარე (ასეთის არსებობის შემთხვევაში) თავისი ბრალის თანაზიარად აანაზღაურებს მიყენებულ ზიანს.

**15. მოწვევის ოფერტა მოქმედებს 12 თვიანი ვადით.**

**16. ფიქსირებული საკომუტაციო ტერმინალურ ელემენტებთან დაშვების და სატელეფონო ზარის დაწყება/დასრულების ოფერტა ძალაში შედის 2013 წლის 17 დეკემბრიდან.**

შპს „საქართველოს ცენტრალური კავშირგაბმულობის კორპორაციის“